

Sud Sound System

"La Strada Giusta"

Visit "[La Strada Giusta](#)" on MotoLyrics.com

Rankin Lele, Papa Leu & Nandu Popu
Qual e' la strada bona cu pigghi sacci scegliere giustu
cu nu te brigghi.
Quannu ria lu momentu ca tocca cu te decidi vagnone
de tie stessu ede buenu cu te fidi e nu fare mai nienzi
ci daveru nu nci cridi camina a capu auta e statte
attentu cu nu cadi e apri l' uecchi ca nu 'nciole nienzi cu
li chiudi ca spessu la realta' nu bede comu tie idi e ci
problemi e difficolta' olenu ntra tutti li modi cu te
minanu an terra tie alla vita sorridi.

Qual e' la strada bona.....

Distinzione sacciu fare tra bene e male lu bene lu stau
a pigliare lu fiaccu te lu stau a lassare. Lu bene me lu
pigliu e me lu tegnu cu mie lu fiaccu te lu lassu propriu
a tie ca stai a parlare e nu stai a betire stu messagiu a
ddrhu ete ca ha rriare. Oju mintu coscienza per far
capire la situazione de mienzu alle strade pe lu
vagnone ca stae a vagare e nu caapisce la strada bona
de pijare

Qual e' la strada bona.....

Caminu intra stu munnu addru tuttu quantu e' in
vendita ogne giurnu a ddrhu la gente se inne puru
l'anima pe picca sordi no Nu 'nc'e' valore, intra sta vita
se nu minti amore e' comu se nu dai acqua a nu fiure
sicca prima o poi la voglia cu dai amore minte pace
ammienzu anui e nu te lassa mai se ite secuti lu suono
ca sta sienti moi securtani moi, tre vagnoni ca
cumpagnanu le note le note cu lu core cussi' sempre
s'ha fare sine securale bone e sientile intera moi.

Qual e' la strada bona.....

Nu pozzu stare fermu comu nu fossile me ne sta partu
chiu' veloce de nu missile lu munnu gira ma pare ca
ede inutile se ogne cristianu nu se mpara a essere
umile nu cangia nienzi e bede inconcepibile ci pienzi ca
si spiertu sulu se si abile ma senza core ha bessere

mutu difficile cu crei nnu munnu magari cchiu
rispettabile.

Qual e' la strada bona.....

Visit [Sud Sound System](#) page on MotoLyrics.com, to get more lyrics and videos.

[MotoLyrics.com](#) | Lyrics, music videos, artist biographies, releases and more.